

Skýrsla stjórnar Styrktarsjóðs BHM 2018 (fyrir árið 2017)

Virkir sjóðfélagar í byrjun ársins 2018 voru 9451, sem er fjölgun um rúmlega 200 manns frá í fyrra. Greiddir styrkir úr sjóðnum á árinu voru 8341, heldur færri en árið 2016 þegar þeir voru 8951. Úthlutað var um 388,8 milljónum króna í samburði við 344,5 milljónir árið áður. Langhæstu styrkirnir eru vegna sjúkradagpeninga, en næstir eru fæðingarstyrkir og styrkir vegna meðferðar á líkama og sál.

Sjúkradagpeninga fengu 130 einstaklingar og var úthlutað 155,5 milljónum, en árið áður fengu 115 einstaklingar tæplega 99 milljónir. Fæðingarstyrk fengu 314 manns, samtals rúmlega 63,5 milljónir, en árið áður voru greiddar 67 milljónir til 356 einstaklinga. Styrki vegna tannviðgerða fengu 477, mun fleiri en árið áður, eða 389. Upphæðin var rúmlega 24,7 milljónir 2017 en rúmlega tæplega 22 milljónir 2016. Líkamsræktarstyrk fengu 3056 einstaklingar, samtals 35,7 milljónir en 39,2 milljónir fóru til 3244 einstaklinga árið 2016.

Staða sjóðsins er heldur betri um áramót en áætlanir gerðu ráð fyrir þrátt fyrir veigamiklar hækkanir á sjúkradagpeningum sem ráðist var í um áramót 2016. Þá voru sjúkradagpeningar hækkaðar um tæp 100.000 upp í 400.000 krónur miðað við fullt starf. Miðað við rekstrarárangur ársins 2017 telur stjórn sjóðsins sér óhætt að halda áfram sömu braut.

Þann 1. janúar 2017 var úthlutunarreglum breytt þannig að styrkir sem áður miðuðust við almanaksár breyttust í styrki á hverju 12 mánaða tímabili. Þær breytingar koma til með að hafa einhver áhrif á útgreiðslur á þessu ári. Líklegt er að kúfur vegna útgreiðslu styrkja í desember jafnist út með tímanum.

Aðrar breytingar sem gerðar voru á reglum sjóðsins eru þessar: Sjóðfélagar halda réttindum í launalausum leyfi í allt að 6 mánuði, en þeir voru áður þrír. Styrkréttur helst þegar sjóðfélagi er á endurhæfingarlífeyri. Fyrir reglubundna krabbameinsleit í brjóstum og leghálsi er endurgreitt að fullu.

Nýtt þjónustuver BHM var kynnt fyrir stjórn sjóðsins á árinu 2017, en það tók til starfa í janúar 2018. Það hafði í för með sér talsverðar breytingar á starfsaðstöðu sjóðsins, en þjónustuverið er sett á fót til að auðvelda félagsmönnum að sækja réttindi sín.

Stjórn sjóðsins leggur áherslu á að styrkir úr styrktarsjóði verði skattfrjálsir í samræmi við það sem rætt hefur verið við stjórnvöld, en Ingunn, ráðgjafi þjónustuvers hefur beitt sér talsvert í því máli.

Í aðdraganda vinnu við kjarasamninga á árinu beindi stjórn því til formannaráðs að áhersla yrði lögð á að hækka framlag til styrktarsjóðs til samræmis við það sem gengur og gerist í öðrum opinberum sjóðum, eða upp í 0,75% af heildarlaunum sjóðsfélaga. Það er nú 0,55%. Það mál hefur ekki náð fram að ganga.

Stjórn

Stjórn var skipuð til tveggja ára á ársfundi vorið 2017:

Ragna Steinarsdóttir, formaður, FH

Páll Halldórsson, varaformaður, FÍN

Anna Lilja Magnúsdóttir, ritari, ÞÍ

Sigrún Guðnadóttir, gjaldkeri, SBU

Sveinn Tjörvi Viðarsson, meðstjórnandi, SL

Varamenn:

Hugrún R. Hjaltadóttir, FÍF
Inga María Vilhjálmsdóttir, FÍ

Skoðunarmenn reikninga:

Gunnar Gunnarsson, KVH
Margrét Geirsdóttir, FÍN

Varamenn:

Halldór K. Valdimarsson, Fræðagarður
Sveinn Ólafsson, SBU

Fundir

Stjórnin hittist að jafnaði einu sinni í mánuði nema í júlí. Einnig hafa verið haldnir aukafundir til að skoða úthlutunarreglur og fleira.

Starfsemin

Þjónustuver BHM annast upplýsingagjöf til sjóðfélaga og almenna afgreiðslu en Ingunn Þorsteinsdóttir er sérfræðingur þjónustuvers í málefnum sjóðsins. Sjóðurinn býr að þeirri þekkingu og reynslu sem hún hefur viðað að sér í gegnum árin. Öll umsýsla fer fram á skrifstofu BHM og er framkvæmdastjóri BHM einnig framkvæmdastjóri sjóðsins. Gissur Kolbeinsson er fjármálastjóri BHM og sjóðsins. Þau hafa öll staðið sig einstaklega vel og þökkum við í stjórn sjóðsins þeim fyrir ánægjulegt og gott samstarf og vel unnin störf.

Fjárfestingarstefna

Eigið fé sjóðsins var í árslok 2017 344,6 milljónir sem er talsverð hækkun frá 2016, er það var 321,7 milljónir kr. Fjármunir Styrktarsjóðs eru í verðbréfum og á bankareikningum. Þessu eru gerð nánari skil í ársreikningum sjóðsins. Lögð hefur verið áhersla á öryggi eigna sjóðsins og einnig á að eignirnar séu að miklum hluta verðtryggðar. Nafnávöxtun verðbréfasafna sjóðsins var 6,15% árið 2017. Vaxtatekjur ársins 2017 jukust úr 16,1 milljónum króna árið 2016 í 16,8 milljónir. Mikil gjaldfærsla fjármagnstekjuskatts vegna uppsafnaðs óinnleysts hagnaðar af eignasöfnum lækkar afkomu fjármagnsliða ársins umtalsvert.

Stjórn Styrktarsjóðs kappkostar að gæta að fjárhag sjóðsins og endurskoða úthlutunarreglur eftir því sem tilefni gefst til.

Fyrir hönd stjórnar,
Reykjavík, apríl 2018

Ragna Steinarsdóttir

Stjórnarformaður Styrktarsjóðs BHM